

Ա. Ա. ՍԱՐԳՍՅԱՆ

ՀԱՅԱՍՏԱՆԻ ԿՈՒՍԿԱԶՄԱԿԵՐՊՈՒԹՅՈՒՆՆԵՐԻ ՊԱՅՔԱՐԸ ՏԵԽՆԻԱԿԱՆ
ԱՌԱՋԱԳԻՄՈՒԹՅԱՆ ՀԱՄԱՐ (1945—1955 թթ.)

Կոմունիստական շինարարության հարուստ փորձը համոզիչ կերպով վկայում է, որ արտադրության տեխնոլոգիական պրոցեսների անընդհատ կատարելագործումն ու տեխնիկական առաջադիմության արմատավորումն անբաժանելի են սոցիալիզմի և կոմունիզմի կառուցումից: Մարդկային հասարակության բովանդակ պատմությունը, նրա դարավոր նյութական հուշարձանները ցույց են տալիս, որ մարդը իր կյանքի ընթացքում անընդհատ կատարելագործել է արտադրության միջոցները՝ քարի գործիքներից սկսած մինչև ժամանակակից ամենաբարդ տեխնիկան:

Սոցիալիզմի սլայմաններում համաժողովրդական սեփականության երկու ձևերի առկայությունը լայն հնարավորություններ ստեղծեց արտադրողական ուժերի աննախընթաց զարգացման, տեխնիկական առաջադիմության համար: Սոցիալիստական հասարակարգի սլայմաններում պետությունն իր ձեռքում կենտրոնացնելով արտադրությունն ու կուտակման հիմնական միջոցները, լայն հնարավորություններ է ստեղծում տեխնիկական առաջադիմության անշեղ զարգացման համար: Տեխնիկական առաջադիմության հարցերը ետսպատերազմյան տասնամյակում ամբողջովին դարձան կոմունիստական կուսակցության և սովետական կառավարության ուշադրության ու մտահոգության կարևորագույն հարցերից մեկը:

Հայրենական պատերազմի ավարտից հետո, ժողովրդական տնտեսության զարգացման վերաբերյալ ՍՍՀՄ Գերագույն սովետի 1946 թ. մարտին ընդունած օրենքում մի անգամ ևս ընդգծվեց տեխնիկական առաջադիմության կարևորությունը: Այդ օրենքում պահանջվում էր ապահովել ժողովրդական տնտեսության բոլոր ճյուղերի տեխնիկական առաջադիմությունը, որպես արտադրության հզոր վերելքի և աշխատանքի արտադրողականության բարձրացման կարևոր գործոնի¹: Կուսակցությունը և սովետական կառավարությունը մեր ժողովրդի առջև խնդիր դրեցին՝ վերականգնել արդյունաբերությունն ու զյուղատնտեսությունը ոչ միայն նախկին, այլև նորագույն տեխնիկայի մակարդակով:

Ետսպատերազմյան տասնամյակում ժողովրդական տնտեսության զարգացման համար ծավալված սոցիալիստական մրցության, արտադրողականության բարձրացման, աշխատատար պրոցեսների մեքենայացման, նորարարության ու ռացիոնալիզացման հարցերը միշտ էլ պաղեցրել են հանրապետության կուսակազմակերպությունների ուշադրությունը: Այդ տարիներին տեղի էին ունենում աշխատանքի առաջավոր մեթոդների ուսումնասիրման ու արմատավորման տեխնիկական կոնֆերանսներ, կազմակերպվում էին արտադրության

¹ «Правда», 21 մարտի 1946 թ.»

առաջալորների հանդիպումներ, որտեղ կատարվում էին փորձի փոխանակումներ, քննարկվում աշխատանքի արտադրողականության բարձրացման, նորարարական և ռացիոնալիզատորական շարժման դարդացման մասին հարցեր: Հայաստանի կոմկուսի քաղաքային և շրջանային կոմիտեները և բյուրոները հրավիրում էին կուսակցական ակտիվի նիստեր, խորհրդակցություններ, ուր քննարկվում էին տեխնիկական առաջադիմությանը նպաստող հարցեր: ՀԿԿ Կենտկոմը, քաղկոմներն ու շրջկոմները սիստեմատիկ կերպով ստուգում և ուսումնասիրում էին ինչպես առաջալոր, այնպես էլ ևս մնացող ձևոնարկությունների, կառույցների աշխատանքը, միջոցներ էին ձևոնարկում լավադույն փորձի խրախուսման, տարածման ու արմատավորման, ևս մնացողներին օգնելու, նրանց առաջալորների մակարդակին բարձրացնելու համար: Բավական է նշել, որ միայն 1946 թ. ընթացքում ՀԿԿ Կենտկոմի պլենումներում և բյուրոյի նիստերում լսվել են արդյունաբերական ձևոնարկությունների և կառույցների աշխատանքի վերաբերյալ 55 հարց²: 1946 թ. հունիսին ՀԿԿ Կենտկոմի պլենումը քննարկեց կուսակցության լենինականի քաղկոմի և Մարտունու շրջկոմի քարտուղարների պեկուցումները՝ սոցիալիստական մրցության ծավալման մասին: Պլենումը կուսկազմակերպությունների ուղադրությունը բևեռեց արտադրական պրոցեսների մեքենայացման, ռացիոնալիզատորական շարժման ծավալման, բանվորների որակավորման բարձրացման հարցերի վրա³:

Մարդկային հասարակության պրակտիկ փորձը ցույց է տվել, որ տեխնիկական առաջադիմության կարևոր պայմանն արտադրական պրոցեսների էլեկտրիֆիկացումն է: «Դուք գիտեք, — ասում էր Վ. Բ. Լենինը, — որ այդ հիմքը էլեկտրականությունն է, որ միայն այն ժամանակ, երբ ամբողջ երկիրը, արդյունաբերությունն ու հողագործության բոլոր ճյուղերը կենթարկվեն էլեկտրիֆիկացման, երբ դուք այդ խնդիրը կյուրացնեք, այն ժամանակ միայն դուք կարող եք կառուցել ձեզ համար կոմունիստական հասարակությունը, որը հին սերունդը չի կարողանա կառուցել»⁴: Վ. Բ. Լենինը բազմիցս ընդգծել է, որ Հոկտեմբերյան հեղափոխությունը մեր երկրում տապալելով շահագործողներին, քաղաքական իշխանությունը հանձնեց աշխատավորությանը, որով ապահովեց միայն քաղաքական կողմը, «...իսկ տնտեսական կողմը կարող է ապահովել միայն այն ժամանակ, երբ իսկապես ռուսական պրոլետարական պետության մեջ կկենտրոնացվեն ժամանակակից տեխնիկայի հիմունքներով կառուցված խոշոր արդյունաբերական մեքենայի բոլոր թելերը, իսկ դա նշանակում է էլեկտրիֆիկացիա»⁵:

Հաշվի առնելով մարքսիզմի կլասիկների ցուցումներն էլեկտրիֆիկացման տնտեսական հսկայական նշանակության մասին, որպես սոցիալիզմի ու կոմունիզմի նյութատեխնիկական հզոր բաղադրի ստեղծման, տեխնիկական առաջադիմության կենսագործման կարևորագույն դործոնի, կուսակցությունը և կառավարությունը իրականացնում են տնտեսական-կազմակերպական հսկայական միջոցառումներ երկրի էլեկտրիֆիկացման ուղղությամբ: Դրա լա-

² Տե՛ս ՄԼԻ Հայկական ֆիլիալի արխիվ, ֆ. 1, ց. 36, դ. 37:

³ Նույն տեղում, ց. 35, գ. 4:

⁴ Վ. Բ. Լենին, Երկեր, հ. 31, էջ 351:

⁵ Նույն տեղում, էջ 527:

վագույն ապացույցն է այն, որ եթե 1913 թ. ցարական Ռուսաստանում արտադրվել էր ընդամենը 2 միլիարդ կիլովատ ժամ էլեկտրաէներգիա, ապա ետպատերազմյան երկրորդ հնգամյակի վերջին այն հասավ 170,1 միլիարդ կիլովատ ժամի⁶։

Այդ նույն ժամանակաշրջանում յուրաքանչյուր շորս օրում ՍՍՀՄ-ում արտադրվում էր այնքան էլեկտրաէներգիա, որքան արտադրվում էր մինչհեղափոխական Ռուսաստանում՝ 1913 թվականին⁷։ Հանրապետության ժողովրդական տնտեսության էլեկտրիֆիկացման ուղղությամբ բավական փորձ էր ձեռք բերել Հայաստանի կոմունիստական կուսակցությունը։ Նշելով լենինյան այն ցուցումներից, որ առանց էլեկտրիֆիկացման հնարավոր չէ խթանել տեխնիկական առաջադիմությունը, ՀԿԿ Կենտկոմը և կառավարությունը տնտեսական-կազմակերպական միջոցներ ձևափոխել են արդյունաբերության և գյուղատնտեսության էլեկտրիֆիկացման ուղղությամբ։ Հանրապետության էլեկտրիֆիկացումը համաժողովրդական գործ էր, որի համար պայքարում էին ոչ միայն կուսկազմակերպությունները, այլև տնտեսական, արհմիութենական և կոմերիտական բոլոր կազմակերպությունները, որոնց ջանքերը պսակվեցին հաղթանակով։ Հինգերորդ հնգամյակի վերջին՝ հանրապետության բոլոր էլեկտրակայանները արտադրեցին 2214,7 միլիոն կիլովատ ժամ էլեկտրաէներգիա։ Դա հսկայական նվաճում էր, եթե նկատի ունենանք, որ 1913 թ. Հայաստանում արտադրվել էր ընդամենը 5,1 միլիոն կիլովատ ժամ էլեկտրաէներգիա⁸։

Վերոհիշյալ փաստերը ակնառու կերպով ցույց են տալիս ՀԿԿ տնտեսական, կազմակերպական, քաղաքական-մասսայական հսկայական աշխատանքը հանրապետության էներգետիկ բաղադրի հզորացման ասպարեզում, բազա, որը հանդիսանում է տեխնիկական առաջադիմության կարևորագույն գործոնը։

Տեխնիկական առաջադիմությունը սերտորեն կապված է աշխատավորների կրթական և կուլտուր-տեխնիկական մակարդակի, արտադրական կադրերի պատրաստման և որակավորման բարձրացման հետ, առանց որի տեխնիկական մեծած է։ Որքան բարձր է բանվորների, ինժեներա-տեխնիկական աշխատողների կուլտուր-տեխնիկական մակարդակը, այնքան արագ է արմատավորվում նորագույն տեխնիկան, այնքան էֆեկտիվ ու ինտենսիվ են օգտագործվում արտադրական կարողությունները, որը վերջին հաշվով նպաստում է աշխատանքի արտադրողականության բարձրացմանը։ Վ. Ի. Լենինը ընդգծելով տեխնիկայի, դիտության, կադրերի դերը արտադրողականության բարձրացման գործում, նշել է. «Առանց գիտության, տեխնիկայի, փորձի զանազան ճյուղերի մասնագետների ղեկավարության, անկարելի է սոցիալիզմին անցնել, որովհետև սոցիալիզմը պահանջում է գիտակից և մասսայական առաջընթաց շարժում ղեկի աշխատանքի ամենաբարձր արտադրողականություն՝ կապիտալիզմի համեմատությամբ և կապիտալիզմի ձեռք բերած հիմքի վրա»⁹։ Նշելով լենինյան այդ ցուցումից, կուսակցությունը և սովետական կառավարությունը կոմունիստական շինարարության ամբողջ ընթացքում իր ուշադրություն է բևեռել արտադրական կադրերի պատրաստման և որակավորման

6 ՏՖՍ «Народное хозяйство СССР», М., 1956, էջ 71։

7 Նույն տեղում։

8 ՏՖՍ «Народное хозяйство Арм. ССР», 1957, էջ 30։

9 Վ. Ի. Լենին, Ներկեր, հ. 27, էջ 295։

կենսական խնդրի վրա: Աշխատավորության կուլտուր-տեխնիկական մակարդակի բարձրացման համար կուսակցությունը և սովետական կառավարությունը առաջին հերթին սկսեցին զարգացնել ժողովրդական կրթությունը: Նյութական խոշոր միջոցների ներդրման և կադմակերպական հսկայական ջանքերի շնորհիվ այդ բնագավառում ձեռք բերվեցին զգալի հաջողություններ: Դրա լավագույն վկայությունն է այն, որ 1940—1941 ուստարում ՍՍՀՄ տարրական, յոթնամյա և միջնակարգ դպրոցներում սովորում էին 35.528 միլիոն մարդ¹⁰, իսկ բուհերում՝ շուրջ 812 հազար ուսանող¹¹: Այդ տարիներին ժողովրդական կրթության ասպարեզում մեծ հաջողություններ ձեռք բերվեցին նաև մեր հանրապետությունում: Այսպես, եթե մինչև սովետական կարգերի հաղթանակը Հայաստանում չկար ոչ մի բարձրագույն ուսումնական հաստատություն, ապա երկրորդ հնգամյակի վերջին տարում արդեն գործում էին 13 բուհ, ուր սովորում էին 19,2 հազար ուսանող¹²:

1954—1955 ուստարում հանրապետության հանրակրթական դպրոցներում սովորում էին 295,2 հազար աշակերտ¹³:

Ետպատերազմյան տասնամյակում ՀՍՍՀ-ում զգալիորեն ավելացավ բուհերում, տեխնիկումներում և այլ միջնակարգ մասնագիտական հաստատություններում սովորողների ընդհանուր թիվը: Այդ ժամանակամիջոցում հանրապետության ժողովրդական տնտեսության լուրջ ճյուղերի համար պատրաստվեց շուրջ 40 հազար մասնագետ¹⁴: Տեխնիկական առաջադիմությունն ապահովելու համար պահանջվում էր բարձրացնել նաև բանվորների տեխնիկական որակավորումը՝ պետական աշխատանքային ռեզերվների սիստեմի միջոցով: 1940-ից մինչև 1948 թ. Հայաստանում այդ սիստեմում պատրաստվեցին տարբեր մասնագիտության 16.500 երիտասարդ որակյալ բանվորներ, իսկ միայն 1948 թ. հանրապետության 11 արհեստագործական ուսումնարաններում և ֆաբգործուսի 5 դպրոցներում սովորում էր շուրջ 3000 մարդ¹⁵: 1955 թ. միայն ֆաբգործուսի և շինարարական մասնագիտական դպրոցները տվեցին 8,3 հազար որակյալ մասնագետներ¹⁶:

Հանրապետության արդյունաբերական ձեռնարկությունների կուսակազմակերպությունները լավ հասկանալով բանվորների որակավորումը բարձրացնելու կարևոր նշանակությունը, տեխնիկական առաջադիմության արմատավորման, աշխատանքի արտադրողականության և արտադրանքի որակի բարձրացման, ինքնարժեքի իջեցման, գերալանային կուտակումների ստեղծման բնագավառում տնտեսական-կադմակերպական, քաղաքական-մասսայական մեծ աշխատանք ծավալեցին: Այսպես, Երևանի էլեկտրամեքենաշինական գործարանի կուսակազմակերպության նախաձեռնությամբ արտադրամասերում ստեղծվեցին տեխմինիմումի դասընթացներ, որտեղ տարեկան իրենց որակավորումը բարձրացնում էին շուրջ 270 երիտասարդ բանվորներ¹⁷: 1950 թ. գործարանում

¹⁰ ՏՆՍ «Народное хозяйство СССР», М., 1956, էջ 222:

¹¹ ՏՆՍ Справочник пропагандиста, М., 1956, էջ 373:

¹² ՏՆՍ «Народное хозяйство Арм. ССР», 1957, էջ 149:

¹³ Նույն տեղում, էջ 150:

¹⁴ ՏՆՍ Նույն տեղում, էջ 154:

¹⁵ ՏՆՍ Հաշվետու զեկուցում ՀԿ(Բ)Կ 14-րդ համագումարում, 1948, էջ 38:

¹⁶ ՏՆՍ «Народное хозяйство Арм. ССР», 1957, էջ 120:

¹⁷ ՏՆՍ «Պարտիական կյանք», 1949, № 9, էջ 49—50:

կար ստախանովյան 7 դպրոց, որտեղ սովորում էին հարյուրավոր բանվորներ¹⁸։ Գյումուշի հիդրոկայանի շինարարությունում աշխատող 300 թունելագործներից 295-ը մեկ տարվա ընթացքում բարձրացրին իրենց որակավորումը¹⁹։ 1949 թ. 9 ամիսների ընթացքում անհատական և տեխնոսուցման միջոցով լենինականում 1600 մարդ բարձրացրեց իր տեխնիկական մակարդակը, իսկ 1950 թ.՝ որակավորվեցին շուրջ 3000 բանվոր²⁰։ 1955 թ. Երևանի միայն լենինյան շրջանի արդյունաբերական ձեռնարկություններից երեկոյան դպրոցներում սովորում էին 2415 բանվորներ, իսկ բուհերի ու տեխնիկումների հեռակա բաժիններում՝ ավելի քան 577 բանվորներ և այլ տեխնիկական աշխատողներ։ Գործարաններին կից մասնագիտական դպրոցներում տարբեր պրոֆեսիաների գծով վերապատրաստվեցին շուրջ 3743 բանվոր²¹։

Ետպատերազմյան առաջին երկու հնդամյակների տարիներին հանրապետության կուսակցական, արհմիութենական, տնտեսական և կոմերիտական կազմակերպությունների ջանքերով որակավորվեցին հազարավոր աշխատավորներ։ Բավական է նշել, որ միայն 1950 թ. որակավորվեցին տարբեր պրոֆեսիաների 35,4 հազար մարդ, որից միայն բանվորներ՝ 24,8 հազար, իսկ 1956 թ. նրանց թիվը հասավ 41,5 հազարի, որից 33,3 հազարը բանվորներ²²։

Վերը բերված փաստերը ակնառու կերպով ցույց են տալիս կուսակցության և սովետական կառավարության լենինյան ազգային քաղաքականության հոյակապ հանրադրումը, Հայաստանի կուսակցական կազմակերպությունների հսկայական աշխատանքը ազգային տեխնիկական կադրերի պատրաստման գործում։ Ետպատերազմյան տասը տարում պատրաստված կադրերը հիմնականում բավարարեցին զարգացող ժողովրդական տնտեսության բոլոր ճյուղերի պահանջը, հատկապես հանրապետության առավել արագ աճող արդյունաբերության պահանջը։ Անկասկած, հանրապետության տեխնիկական կադրերի պատրաստման ուղղությամբ ձեռք բերած նվաճումներն ավելի մեծ կլինեին, եթե այդ գործում չլինեին թերություններ ու վրիպումներ։ Հանրապետության որոշ կուսակցական և տնտեսական կազմակերպություններ անուշադրության էին մատնում տեխմինիմումի, առաջավոր փորձը ուսումնասիրող դասընթացների ու խմբերի աշխատանքները, կադրերի կուլտուր-տեխնիկական մակարդակի բարձրացման հարցերը, որի հետևանքով ետպատերազմյան տասնամյակում հանրապետության շատ ձեռնարկություններ դեռ կոմպլեկտավորված չէին համապատասխան մասնագիտություն ունեցող կադրերով, եղածների զգալի մասն էլ չունեին տեսական և տեխնիկական անհրաժեշտ գիտելիքներ։ Այսպես, լենինականի կարի ֆաբրիկայի 38 ինժեներա-տեխնիկական աշխատողներից միայն երկուսն էին ինժեներ և յոթը տեխնիկներ, իսկ մնացած 29-ը՝ պրակտիկ աշխատողներ էին։ Նման դրություն էր տիրում նաև հացի, մեխանիկական գործարաններում, գուլպա-տրիկոտաժի, մանարան ֆաբրիկաներում և այլ ձեռնարկություններում²³։ Ահա թե ինչու ՀԿԿ XVI համագումարը կուսակազմակերպությունների առջև խնդիր դրեց հանրապետության «...ձեռնար-

18 Տե՛ս «Սովետական Հայաստան», 31 մայիսի 1951 թ.։

19 Տե՛ս ԽԼԻ Հայկական ֆիլիալի արխիվ, ֆ. 1, ց. 4, գ. 11։

20 Նույն տեղում, ֆ. 46, ց. 11, գ. 1։

21 Նույն տեղում, ֆ. 1, ց. 83, գ. 30։

22 Տե՛ս «Пародное хозяйство Арм. ССР», 1957, էջ 121։

23 Տե՛ս ԽԼԻ-ի Հայկական ֆիլիալի արխիվ, ֆ. 46, ց. 7, գ. 114։

կույթյուններն ուժեղացնել ինժեներա-տեխնիկական աշխատողների կադրերով և հասնել այն բանին, որ ձեռնարկույթյուններում ինժեներական պաշտոնները չգրավեն պրակտիկները»²⁴։

Աշխատավորների կուլտուր-տեխնիկական մակարդակի բարձրացումը, անկասկած, իր բարերար ազդեցությունն ունեցավ նորարարական և ռացիոնալիզատորական մտքի զարգացման վրա։ Ետպատերազմյան երկրորդ հնգամյակում ՍՍՀՄ-ում գյուտարարների և ռացիոնալիզատորների թիվը հասավ շուրջ 5 միլիոն մարդու, որոնք արել էին մոտավորապես 9,5 միլիոն առաջարկություն։ Ետպատերազմյան տասնամյակում նորարարական և ռացիոնալիզատորական գործում որոշակի ներդրում կատարեցին մեր հանրապետության առաջավոր բանվորներն ու ինժեներա-տեխնիկական աշխատողները։ Կուսակցական կազմակերպությունների ղեկավարությամբ հանրապետության ռացիոնալիզատորների առաջարկությունների տնտեսական էֆեկտը միայն 1949 թ. կազմեց շուրջ 16105 հազար ռուբլի²⁵, իսկ 1950 թ.՝ 19221 հազար ռուբլի²⁶։ Հինգերորդ հնգամյակի տարիներին ավելի լայն թափ ստացավ նորարարությունն ու գյուտարարությունը։ Միայն Երևանի Ս. Մ. Կիրովի անվան գործարանում ամբողջ հինգերորդ հնգամյակի ընթացքում գյուտարարական և ռացիոնալիզատորական առաջարկությունների ներդրումից ստացվեց ավելի քան 30 միլիոն ռուբլու օգուտ։

Հանրապետության արդյունաբերական ձեռնարկությունների կուսակցական կազմակերպությունները ղեկավարում և աջակցում էին նորարարական և ռացիոնալիզատորական մտքի զարգացմանը։ Բազմաթիվ փաստերից վերցնենք մի քանիսը։ Երևանի էլեկտրամեքենաշինական գործարանի կուսակցական կազմակերպությունը տնտեսական-կազմակերպական որոշակի աշխատանք կատարեց տեխնիկական պրոցեսների կատարելագործման, նորարարական ու ռացիոնալիզատորական գործը բարելավելու բնագավառում։ Հինգերորդ հնգամյակի տարիներին գործարանի նորարարներն ու կոնստրուկտորները մշակեցին և արտադրության մեջ ներդրեցին միասնական սերիայի սինխրոն, ՍԳ—35 և ՍԳ—60 գեներատորների ավտոմատիկ կարգավորումների կոնստրուկցիաները, կատարելագործեցին մամլակային տնտեսությունը, գործարկեցին ավազացայտիչ խցիկը, կազմակերպեցին էլեկտրոդների, արդուկների և լամպերի տուփերի պատրաստման աշխատամասեր²⁷։ Գործարանի կուսակցական, արհմիութենական, կոմերիտական կազմակերպությունները, առաջավոր բանվորներն ու ինժեներա-տեխնիկական կազմը չբավարարվեցին այդ բնագավառում ձեռք բերած նվաճումներով և սկսեցին նոր եռանդով աշխատել տեխնիկական առաջադիմության կենսագործման ուղղությամբ։

Հինգերորդ հնգամյակի վերջին տարիներին յուրացվեց տրանսֆորմատորների երեք նոր տեսակների, հարյուր կիլովատիգ բարձր լարման վահանների, ՊԵՍ—75—Մ կատարելագործված կոնստրուկցիայի շարժական հեծակայանների և լայն սպառման համար էլեկտրաիրերի սերիական թողարկում։ Բարելավվեցին ու կատարելագործվեցին գլանակավոր առանցքակալների նստեց-

24 «Հայաստանի կուսակցության պատմության ուրվագծեր», 1963, էջ 592։

25 ՏԵՍ ՄԼԻ Հայկական ֆիլիալի արխիվ, ֆ. 46, ց. 7, գ. 114։

26 ՏԵՍ «Հաշվետու գեկուցումը Հայաստանի Կ(Բ)Կ XVI համագումարում», 1952, էջ 33։

27 ՏԵՍ ՄԼԻ-ի Հայկական ֆիլիալի արխիվ, ֆ. 1, ց. 85, գ. 305։

ման, ՍԳ--60 գեներատորների խողանակային տրավերսների, ՏՄ--560/10 տրանսֆորմատորների ընդարձակիչ բակերի կոնստրուկցիաները: Տեխնիկական նման կատարելագործման շնորհիվ ստացվում էին տնտեսական զգալի օգուտներ: Այսպես, ՍԳ--60 տիպի գեներատորի յուրացման շնորհիվ տնտեսվեց հազար տոննա դինամիկ պողպատ, որից լրացուցիչ պատրաստվեց 2500 գեներատոր²⁸: 1954 թ. 9 ամիսների ընթացքում ներդրված 74 առաջարկությունները տվեցին 975 հազար ռուբլու օգուտ²⁹: Տեխնիկական առաջադիմության բնագավառում կատարված վերափոխումների ու այլ միջոցառումների շնորհիվ 1954 թ. առաջին 9 ամսվա համախառն արտադրանքի պլանը կատարվեց 105,2 տոկոսով, իսկ ապրանքային արտադրանքի պլանը՝ 109 տոկոսով: Աշխատանքի արտադրողականությունը 1954 թ., 1953 թ. նույն ժամանակամիջոցի համեմատությամբ, աճեց 23,5 տոկոսով³⁰:

Ետպատերազմյան տասնամյակում տեխնոլոգիական պրոցեսների զգալի վերափոխումներ տեղի ունեցան Հայաստանի քիմիական արդյունաբերության ձեռնարկություններում: Այսպես, Ալավերդու քիմիական գործարանի կուսակազմակերպությունը ամբողջ կոլեկտիվի առջև խնդիր դրեց՝ մեքենայացնել քիմիկատների արտադրամասի կենտրոնաթափ ագրեգատի բարձրացման և դատարկման պրոցեսները: Կուսակազմակերպության գլխավորությամբ գործարանի ռացիոնալիզատորները սկսեցին աշխատել այդ ուղղությամբ և տեքնաջան աշխատանքը տվեց իր դրական արդյունքը: Գործարանի նորարար Վ. Օհանյանի առաջարկությամբ պատրաստվեց մի հարմարանք, որի միջոցով կենտրոնաթափ ագրեգատի վրա հումքի բարձումն սկսեց կատարվել մեքենայացված ձևով: Նոր հարմարանքի տեխնոլոգիան յուրացնելուց հետո այդ ագրեգատի վրա աշխատողների թիվը կրճատվեց երեք միավորով, երկուսից-երեք անգամ երկարացվեց մեքենայի կարևոր մասերի օգտագործման տևողությունը, զգալիորեն կրճատվեց նաև օժանդակ նյութերի ծախսումը³¹: Շնորհալի ռացիոնալիզատոր Վ. Օհանյանը 1952—1953 թթ. ընթացքում արել էր 25 նորարարական առաջարկություն, որը գործարանին տարեկան բերում էր 200 հազար ռուբլու տնտեսում³²: Նույն գործարանի վառարանի վարպետներ Լ. Գալստյանը, Մ. Ղազարյանը տեխնոլոգիայի կատարելագործման շնորհիվ շուտով ող նյութերի քանակը մնացորդի մեջ իջեցրին կիսով չափ: Արագացնելով եփման պրոցեսը՝ վարպետներ Ա. Մոսինյանը և Ե. Զուրաբյանը միաժամանակ նույն գոթի մեջ կատարեցին մնացորդի կրկնակի եփում, որով մոտ 50 տոկոսով կրճատվեց հումքի կորուստը³³:

Էլեկտրաէներգիան տնտեսելու համար Երևանի Կիրովի անվան քիմիական գործարանի կուսակցական կազմակերպությունը մոբիլիզացրեց ձեռնարկության նորարարական ու ռացիոնալիզատորական ուժերը տեխնոլոգիական պրոցեսների այնպիսի բարեփոխումների համար, որպեսզի հնարավորության չափ կրճատվի էլեկտրաէներգիայի ծախսումը: Մշակվեցին շուրջ 300 հրահանգչական քարտեր, ուր ընդրկվեցին արտադրության հիմնական պրոցեսներ:

28 Նույն տեղում, ֆ. 1, ց. 81, դ. 35:

29 Նույն տեղում, ց. 85, դ. 305:

30 Տե՛ս ՄԼԻ-ի Հայկական ֆիլիալի արխիվ, ֆ. 1, ց. 85, դ. 305:

31 Տե՛ս «Պղնձի ֆրոնտում», № 9, 1954:

32 Նույն տեղում, № 49, 1953:

33 Նույն տեղում, № 25, 1953:

րը: Միայն 1953 թ. արվեցին 850 նորարարական և ռացիոնալիզատորական առաջարկություններ, որից արտադրության մեջ ներդրվեցին 600-ը³⁴։ Կուսակցական, արհմիութենական, տնտեսական կազմակերպությունների ջանքերով հինգերորդ հնգամյակի վերջին տարիներին ավտոմատացման ենթարկվեցին Կիրովի անվան քիմիական գործարանի գրեթե բոլոր հիմնական արտադրական պրոցեսները: Արտադրանքի յուրաքանչյուր մեկ միավորի համար, 1950 թ. համեմատությամբ, երկու անգամ բարձրացավ աշխատանքի արտադրողականությունը և 27,6 տոկոսով ավելացավ մեկ բանվորի արտադրողականությունը³⁵։

Տեխնոլոգիական նման բարեփոխություններ էին տեղի ունենում հանրապետության քիմիական արդյունաբերության բոլոր ձևնարկություններում:

Ետպատերազմյան տասնամյակում հանրապետության գունավոր մետալուրգիայի ձևնարկությունների կոլեկտիվների առջև ծառացած էին արտադրական ռեզերվների ու սարքավորումների լիակատար օգտագործման, տեխնիկական առաջադիմության, արտադրության տեխնոլոգիական պրոցեսների բարելավման, աշխատանքի արտադրողականության բարձրացման և այլ կարևոր խնդիրներ:

Ետպատերազմյան առաջին երկու հնգամյակների տարիներին այդ խնդիրների լուծմանն էին ուղղված Ալավերդու պղնձաձուլական կոմբինատի և Զանգեզուրի հանքվարչության կուսկազմակերպությունների ջանքերը: Գործարանի կոնստրուկտորների, ռացիոնալիզատորների ուժերով ամբողջովին ավտոմատացվեց արտացոլիչ վառարանը, վերակառուցվեցին կոնվերտորի օդամղիչ անցքերը, որը կրճատեց ձուլման մեկ պրոցեսի տևողությունը, մեքենայացվեց խոնավ բոլախառնուրդի փոխադրումը, որը նպաստեց ագրեգատների ռիթմիկ աշխատանքին: Այդ միջոցառումների շնորհիվ պղնձի թողարկման առաջադրանքը գերակատարվեց, աշխատանքի արտադրողականությունը բարձրացավ 6 տոկոսով, իսկ մեկ միավորի արտադրությունը՝ շուրջ 25 տոկոսով³⁶։

Ալավերդու պղնձաձուլական կոմբինատի կոլեկտիվը, կուսկազմակերպության գլխավորությամբ, արտադրական պրոցեսների կատարելագործման շնորհիվ, հասավ տնտեսական ղգալի նվաճումների: Բավական է նշել, որ 1954 թ. առաջին եռամսյակում ձուլողներն ու հանքափորները համախառն արտադրանքի պլանը կատարեցին 121,3 տոկոսով: Աշխատանքի արտադրողականությունը պլանի դիմաց բարձրացավ 19,2 տոկոսով: Այդ նվաճումների համար Ալավերդու պղնձաձուլական կոմբինատն արժանացավ ՍՍՀՄ գունավոր մետալուրգիայի մինիստրության երրորդ կարգի մրցանակին³⁷։

Ղափանի հանքվարչության Ս. Մ. Կիրովի անվան ֆլուտացիոն ֆաբրիկայում լայն ծավալ էր ստացել գյուտարարությունն ու ռացիոնալիզատորությունը: Բավական է նշել, որ միայն 1951 թ. ընթացքում արտադրության մեջ կիրառված առաջարկությունների օգուտը կազմեց 700 հազար ռուբլի³⁸։ Ֆաբրիկայի վարիչ, կոմունիստ Ա. Ժուրբենկոյի ռացիոնալիզատորական երեք

34 ՄԼԻ Հայկական ֆիլիալի արխիվ, ֆ. 1, ց. 85, գ. 200:

35 Նույն տեղում, ֆ. 1, ց. 81, գ. 35:

36 ՏԵՍ «Պղնձի ֆրոնտում», № 41, 1954:

37 Նույն տեղում, № 37:

38 ՏԵՍ «Պղնձի համար», № 3, 1952:

առաջարկությունների կիրառման շնորհիվ, ֆարրիկան տարեկան ունեցավ 600 հազար ռուբլու օգուտ: Կոմունիստներ Մ. Ալեկտիսյանի, Կ. Սարտիրոսյանի, Վ. Մեսրոպյանի և շատ ուրիշների արած ռացիոնալիզատորական առաջարկությունների ներդրմամբ բարելավվեց արտադրության տեխնոլոգիան, խնայվեց հումք և էլեկտրաէներգիա: Ֆլոտացիոն ֆարրիկան 1951 թ. պլանը կատարեց 104,6 տոկոսով, կոնցենտրատի թողարկումը՝ 104,9, կոնցենտրատի մեջ պղնձի պարունակությունը՝ 119,8, հանքաքարի կորյունը՝ 100 տոկոսով, երկրին տալով պլանից ավելի կոնցենտրատ³⁹:

Տեխնոլոգիական պրոցեսների մեքենայացման ու ավտոմատացման բնադավառում նման վերակառուցումներ ու բարեփոխումներ էին տեղի ունենում նաև հանրապետության մյուս հանքավարչություններում և շինանյութերի արդյունաբերական ձեռնարկություններում:

Ետպատերազմյան առաջին երկու հնգամյակների տարիներին վերընթաց դարգացող ծանր արդյունաբերության բաղաչի վրա տեխնիկական զգալի առաջադիմություն տեղի ունեցավ հանրապետության թեթև և սննդի արդյունաբերության ձեռնարկություններում: Այդ բնագավառում ուսանելի վրժ ունի Հեռինականի տեքստիլ կոմբինատի կուսակազմակերպությունը: Կոմբինատում նոր թափ ստացավ նորարարական և ռացիոնալիզատորական աշխատանքը: Մանվածքային ֆարրիկայում ռացիոնալիզատորների առաջարկությամբ վերակառուցվեցին զգող մեքենաները, սանրող արտադրամասի բոլոր մեքենաների վրա դրվեցին ժապավեն խտացնող հարմարանքներ, որը բարձրացրեց ժապավենների որակը: Էլեկտրամեքենաշինական արտադրամասի նորարար Լ. Քարամյանի ջանքերով մշակվեց շարժիչների ռետորները վերականգնելու հատուկ տեխնոլոգիա, որը հնարավորություն տվեց օգտագործել գործածությունից դուրս եկած էլեկտրաշարժիչները և հաստոցները: Զուլարանի արտադրամասի պետ, ռացիոնալիզատոր Վ. Կոշտոյանի առաջարկությամբ մշակվեց դերհզոր թուջի ձուլման նոր տեխնոլոգիա, որի կիրառումով ձուլած մասերի դիմացկունությունը բարձրացավ երկու անգամ, իսկ ձուլման տեղությունը կրճատվեց 50 տոկոսով⁴⁰: Այդ միջոցառումները հնարավորություն տվեցին ժապավենա-նախամանող արտադրամասում աշխատանքի և սարքավորումների արտադրողականությունը բարձրացնել 15—18 տոկոսով, բարելավել կիսաֆարրիկատի որակը և հեշտացնել բանվորի աշխատանքը⁴¹:

Ներկման-վերամշակման ֆարրիկայի օդափոխիչների երկաթյա ծածկոցները ավելի արագ և հեշտ պատրաստելու համար փականագործ Ա. Վիդոյանը կադապարող մեքենայի վրա ստեղծեց մի այնպիսի հարմարանք, որը 10—15 անգամ ավելացրեց արտադրանքի թողարկումը⁴²: Մանվածքային ֆարրիկայի վերանորոգման բաժնի պետ Հ. Ալեկտիսյանը մեկ տարում արեց 18 ռացիոնալիզատորական առաջարկություն, որոնց կիրառումից ստացված պայմանական օգուտը կազմեց 100 հազար ռուբլի⁴³: Միայն 1955 թ. 11 ամիսների ընթացքում կոմբինատի վարպետները, արտադրամասերի պետերը և ինժեներա-տեխ-

³⁹ Նույն տեղում:

⁴⁰ «Մանածագործ», № 21, 1953:

⁴¹ Նույն տեղում, № 49:

⁴² «Մանածագործ», № 2, 1955:

⁴³ Նույն տեղում, № 7:

նիկական աշխատողները արեցին 121 նորարարական և ռացիոնալիզատորական առաջարկություն, որոնցից արտադրության մեջ ներդրվեց 101-ը: Այդ առաջարկություններից ստացված տարեկան պայմանական օգուտը, կազմեց 837.826 ռուբլի⁴⁴:

Ետպատերազմյան առաջին երկու հնգամյակի տարիներին հանրապետության ժողովրդական տնտեսության մեջ տեխնիկական առաջադիմությանը էական օգնություն ցույց տվեցին գիտահետազոտական հիմնարկներն ու բարձրագույն ուսումնական հաստատությունները: ՀՍՍՀ գիտությունների ակադեմիայի, Երևանի Կ. Մարքսի անվան պոլիտեխնիկական ինստիտուտի և պետական համալսարանի բնական գիտությունների շատ մասնագետներ, համապարփակեցելով բանվորների ու ինժեներատեխնիկական աշխատողների հետ, մշակում և արտադրության մեջ արմատավորում էին նոր տիպի բազմաթիվ մեխանիզմներ, նյութերի ստացման նոր եղանակներ, որոնք արմատական փոփոխությունների էին ենթարկում տեխնոլոգիական շատ պրոցեսներ: Ակադեմիայի երկրաբանության և քիմիայի ինստիտուտներն իրենց գիտական արժեքավոր նորարարություններով զգալի օգնություն ցույց տվեցին հանրապետության գունավոր մետալուրգիայի և քիմիական արդյունաբերության ձեռնարկություններին: Զրախներգետիկայի և շինանյութերի ու կաուստիկների ինստիտուտները գիտահետազոտական հետաքրքիր աշխատանքներ էին կատարում Գյումուշի հիդրոէկայանում:

Արտադրության մեջ տեխնիկական առաջադիմության գործում զգալի աշխատանք կատարեցին Երևանի պոլիտեխնիկական ինստիտուտի շինարարական, հիդրոտեխնիկական և քիմիական ֆակուլտետների գիտական աշխատողները՝ հանրապետության մեքենաշինական, մետաղամշակման և քիմիական արդյունաբերության ձեռնարկություններում, Երևանի պետական համալսարանի ֆիզիկական քիմիայի ամբիոնի աշխատակիցները՝ Կիրովականի Ալ. Մյասնիկյանի անվան քիմիական կոմբինատում և այլն:

Այսպիսով, հինգերորդ հնգամյակի տարիներին տեխնիկական առաջադիմության բնագավառում խոշոր քայլեր են կատարվում Հայաստանի արդյունաբերության բոլոր ճյուղերում և ձեռնարկություններում: Որպես սոցիալիստական էկոնոմիկայի զարգացման օբյեկտիվ օրինաչափության շարունակում, տեխնիկական առաջադիմության արմատավորումը կատարվում է պլանաչափ և սիստեմատիկ կերպով, տնտեսական շահավետության և համախառն արտադրանքի անընդհատ աճման, արտադրության աշխատողների կողմից աշխատանքի նկատմամբ սոցիալիստական վերաբերմունք մշակելու նշանաբանով:

Ետպատերազմյան տասնամյակում, մասնավորապես հինգերորդ հնգամյակի վերջին տարիներին, հազեցվում էին հանրապետության արդյունաբերական ձեռնարկությունները նորանոր մեքենաներով ու նորագույն սարքավորումներով:

Ավելի քան 396 ժամանակակից նոր մեքենաներ ու սարքավորումներ տեղադրվեցին Լենինականի տրիկոտաժ ֆաբրիկայում⁴⁵: Հինգերորդ հնգամյակի չորս տարիների ընթացքում ՍՍՀՄ արդյունաբերությունը ամեն տարի միջին հաշվով ստանում էր 26 միլիարդ ռուբլու նոր սարքավորում: Մետաղահատ

⁴⁴ Նույն տեղում, № 48:

⁴⁵ Տե՛ս ՄԼԻ-ի Հայկական ֆիլիալի արխիվ, ֆ. 1, ց. 80, դ. 279:

Հաստոցների ընդհանուր ոլորտը ՍՍՀՄ-ի ժողովրդական տնտեսության մեջ 1955 թ. սկզբին 1950 թ. համեմատությամբ ավելացավ 2,4 անգամ: Աշխատանքի էլեկտրապինվածությունը խոշոր արդյունաբերության մեջ 1954 թ. 1950 թ. համեմատությամբ աճեց 30 տոկոսով և երկու անգամ ավելի բարձր էր, քան 1940 թվականին: Տեխնիկական առաջադիմության հետագա դարգացման համար շրջադարձային էտապ հանդիսացավ ատոմային էներգիայի օգտագործումը ժողովրդական տնտեսության մեջ: 1954 թ. մեր երկրում սկսեց զործել պատմության մեջ առաջին ատոմային էլեկտրակայանը:

Ետպատերազմյան տասնամյակում խոշոր շափով զարգացավ հանրապետության արտադրության միջոցների արտադրությունը: Այսպես, ՀՍՍՀ խոշոր արդյունաբերության արտադրանքը 1955 թ. 1913 թ. համեմատությամբ աճեց 41 անգամ⁴⁶, իսկ մեքենաշինության և մետաղամշակման արտադրանքը՝ 289 անգամ⁴⁷:

Վերը շարադրված փաստերը ակնառու կերպով ցույց են տալիս այն հսկայական տեղաշարժերը, որ տեղի են ունեցել մեր հանրապետությունում, Ետպատերազմյան տասնամյակում՝ տեխնիկական առաջադիմության ասպարեկում:

Սակայն տեխնիկական առաջադիմության բնագավառում ձեռք բերված խոշոր հաջողությունների կողքին զեռևս զոյություն ունեին զգալի թերություններ:

Ուսումնասիրությունը ցույց է տալիս, որ հանրապետության արդյունաբերական որոշ ձեռնարկություններում, կոնստրուկտորական բյուրոների և գիտա-տեխնիկական խորհուրդների կողմից միշտ չէ, որ պատշաճ խորությամբ ուսումնասիրվում էին նորարարների, ռացիոնալիզատորների և ինժեներատեխնիկական աշխատողների կողմից արված որոշակի արժեք ունեցող առաջարկությունները, հաճախակի ձգձգվում էր տնտեսական կարևոր էֆեկտ ունեցող ռացիոնալիզատորական առաջարկությունների ներդրումը: Սխտեմատիկ և հետևողականորեն չէին պրոպագանդվում միութենական ձեռնարկությունների առաջավոր, համընդհանուր հավանության արժանացած աշխատանքային փորձն ու մեթոդները: Հանրապետության արդյունաբերական խոշոր ձեռնարկություններում լրիվ շափով չէին օգտագործվում մեքենաների ու սարքավորումների կարողությունները, որոշ ձեռնարկությունների ղեկավարները դիմադրում էին հին տեխնիկան նորով փոխարինելուն: Մեքենաների, սարքավորումների և տեխնոլոգիական պրոցեսների կատարելագործման տեմպերը ետ էին մնում արտադրության զարգացման և ժողովրդական տնտեսության պահանջների աճման տեմպերից: Հաճախ թողարկվում էին հնացած կոնստրուկցիայի հաստոցներ, անբավարար էր ձուլման սարքավորումների արտադրությունը: Լիովին չէր կիրառվում արտադրության կոմպլեքսային մեքենայացումն ու ատոմատացումը, անբավարար էին մեքենայացվում արտադրության օժանդակ պրոցեսները:

Ետպատերազմյան տասնամյակում տեխնիկական առաջադիմության բնագավառում եղած վերահիշյալ թերությունների կարևոր պատճառներից մեկը

46 Տե՛ս «Советская Армения за 40 лет», 1960, էջ 44:

47 Տե՛ս «Народное хозяйство Арм. ССР», 1957, էջ 24:

48 Տե՛ս «Советская Армения за 40 лет», էջ 52:

49 Տե՛ս «Народное хозяйство Арм. ССР», 1957, էջ 25:

անձնական շահագրգռվածության և խթանման նկատմամբ ցուցաբերվող որոշակի անտարբերությունն էր: Գրեթե մոռացվել էր Վ. Ի. Լենինի դրույթը այն մասին, որ անցումը դեպի կոմունիզմ պետք է կատարվի «ոչ թե անմիջական խանդավառության վրա հենվելով, այլ մեծ հեղափոխության ստեղծած խանդավառության օգնությամբ, հենվելով անձնական շահի, անձնական շահագրգռվածության, տնտեսական հաշվարկի վրա... այլ կերպ դուք չեք մոտենա կոմունիզմին, այլ կերպ դուք տասնյակ ու տասնյակ միլիոնավոր մարդկանց չեք մոտեցնի կոմունիզմին»⁵⁰:

Վերոհիշյալ թերությունների վերացումը ժողովրդական տնտեսության զարգացման հաջորդ հնգամյակներում դարձան կուսակցական, արհմիութենական, կոմերիտական և տնտեսական կազմակերպությունների կարևոր խընդիրներից մեկը:

⁵⁰ Վ. Ի. Լենին, Երկեր, հ. 33, էջ 46—47: